

經史避名彙考

經史進名彙考卷四十

海寧周廣業耕厓

師友

民生於三師與君親並重倫有其五友與兄弟無殊昔
揚子雲以師為桐子之命雷次宗謂師如父兄故自稱
弟子崔靈恩謂年德俱高又教道於物者稱為先生其
尊如此何敢斥言至若曾子怒高似異堂堂手張之目
而史遽咸以字稱淵審不以名著固其例也今為比類
甄錄於尊師親友之道或稍有當云

周

孔子 史記世家母顏氏疇於尼邱得孔子生而首上圩頂
因名曰某云字仲尼白虎通名傍其形者孔子首類魯尼
邱山故為之名也廣業案史記列孔子於世家與太伯周
召一例尊之至也其贊云天下君王至於賢人衆矣當時
則榮歿則已焉孔子布衣傳十餘世學者宗之自天子王
侯中國言六藝者折中於夫子可謂至聖矣今溯漢世又
千數百年而聖道益明歷代皆知崇奉獨諱名之典尚嫌
未脩

國朝定制凡遇此字並加卩旁讀作期音已病在禁例茲以
中茲以孔子聖師凡集周以來涉避諱者謹錄于此又案

宋人引書遇聖諱皆改為某古文苑張超尼父贊章熊注
引史記世家改曰某史繩祖學齋佔俾引論語由之瑟異
為於某之門亦今誦讀文字遇聖諱以某代之沿宋例也
亦用之

韓詩外傳堂衣若叩孔子之門曰某在乎某在乎子貢應
之曰君子尊賢而容衆嘉善而矜不能親內及外已所不
不欲勿施於人子何言吾師之名馬堂衣若曰子何年少
言之絞子貢曰大車不絞則不成其任琴瑟不絞則不成
其音子之言絞是以絞之也堂衣若曰吾始以鴻之力今
徒翼耳子貢曰非鴻之力安能舉其翼廣業案魯論名呼

孔子者唯微生畝一人畝蓋年高有德者故其稱謂不稍假借如此胡應麟謂仲尼大聖微生畝直斥其名乃後世追論之詞耳孔子對季康子使者稱名其自言問亦稱名子路告長沮亦舉姓名記者未嘗為之改避師友雅言曰子思作中庸始稱仲尼字其祖至四本未能一焉亦不諱其祖之名是也此外雖魯哀公亦稱夫子及吾子無敢名者矣

左氏春秋哀十六年經夏四月己丑孔某卒注云仲尼既告老去位猶書卒者魯之君臣宗其聖德殊而異之正義云魯臣見為卿乃書卒致事而卒猶不書此殊異之特命

史官書其卒又云孔子作春秋終于哀十四年獲麟之句
公羊穀梁經是也弟子欲記聖師之卒故採魯史記以續
孔子之經而終於此邱明因隨而作傳廣業案此魯史之
文故左氏經傳於孔子之卒俱直書姓名公羊襄二十一
年傳十有一月庚子孔子生穀梁於是年十月傳亦書庚
子孔子生此追記師之生年故稱子而不名文獻通考曰
襄二十一年所書公穀尊其師授而增之哀十六年所書
左氏痛其師亡而增之俱非春秋本文是也史書姓名而
哀公作謀但曰尼父則又大夫歿而稱字之例鄭氏檀弓
注有因字為謚之說左傳正義非之

朱彞尊孔子弟子魯太史左邱氏明考曰葉夢得云古有左氏左邱氏太史公稱左邱失明厥有國語今春秋傳有左氏而國語出左邱氏則不得為一家業左氏為孔子弟子主其說者屢彭祖劉歆班固賈逵王充杜預荀崧等數十家又司馬遷報任少卿書左邱失明厥有國語應劭風俗通邱姓魯左邱明之後然則左邱為複姓甚明孔子作春秋明為作傳春秋止獲麟而傳乃詳書孔子卒周人以諱事神名終將諱之為弟子者自當諱師之名此第稱左氏傳而不稱左邱也廣業案左邱複姓微之史記洵然但漢書藝文志于左氏傳三十卷既自注左邱明魯太史復

言邱明論本事以作傳是又以邱明為名而單姓左矣考
黃帝臣有左微則左氏由來已久通志氏族略乃謂齊公
族有左右公子因氏楚有左史倚相左史老者為左史之
官亦為左氏傳春秋者倚相之後非左邱明明居左邱為
左邱氏非左氏也朱子謂左傳於楚事為詳疑是倚相之後其序左史氏亦以
倚相等為祖但居左邱之說不知所據又不別出左邱氏
姓氏書云臨川李瑞卿言蜀有賣卜者左邱氏自云左邱
明後又見御史左姓者問其先邱明系乎御史曰左與左
邱本兩氏因賣卜者不妄姓書未有令增入然則左邱之
為複姓藝士亦知之而宋以前言氏族者反未之及何耶

至通志序邱氏云齊太公封於營邱因以邱為氏能改齊
漫錄据湖州發古墓得南朝邱遲碑言遲為左邱明之後
因疑邱明不姓左又引顧會邱姓有吳興河南二望風俗
通曰魯左邱明之後稿簡黃筆亦云吳興邱墓一村之人皆姓邱有大碑刻其墓上稱左史邱
明之夫不姓左則不當曰左氏既氏左子孫安得為邱此
立窮之說且左邱明見於論語其與傳春秋之左邱明雖
不敢知其是一是二要未聞所謂左史邱明也朱子或問
據鄭名世說謂魯論左邱明姓左邱名明而傳春秋者乃
左氏也程子亦謂傳中無邱明名不可考黃澤則云傳春
秋者姓左氏而失其名是皆未知為師諱名之義故也竹

按此考真千古定論矣左傳不惟詳書孔子卒僖二十八
年已稱仲尼曰矣明非弟子何以亟稱其言耶惟襄成以
下文筆有似國策與前迫出兩手故趙無恤益襄而亦載
之當是左氏門人補綴成之王介甫疑為六國時人非盡
謬也嗟助謂左傳國語之體不倫非一人所為亦似有見
文獻通考徽宗政和元年六月二十七日太常寺奏孔子
高弟所封爵宜避宣聖名庶不失尊師之禮今乞以瑕邱
伯曾參封為武城侯宛邱侯顓孫師為潁川侯龔邱侯南
宮縉為汶陽侯楚邱侯司馬耕為睢陽侯頓邱侯琴張為
陽平侯瑕邱伯戴聖為考城伯從之宋史金史章宗明昌

王介甫為中初伯縉伯仲叔亦高以陳後伯楚邱伯

宋史

金史章宗明昌

三年十一月丙子詔臣庶名犯古今帝王而姓復同者禁
之周公孔子之名亦令迴避泰和五年三月甲戌諭有司
進士名有犯孔子諱者避之仍著為令廣業案南唐書有
宋齊邱字起回汪台符譏之曰齊大聖以為名起亞聖以
為字宋因改字子嵩而名終不能易先是唐有裴齊邱為
秘書監視肆張齊邱為朔方節度使強繼外敬又有王同岐
子仲山名直同孔子觀列藝文志又有高邱詞集類畧三
十卷此類觸犯甚多章宗此詔深得尊師重道之意矣明
沈文聖君初政記洪武元年五月諭中書省名字有犯古
聖賢諱者悉更之曰古聖賢則孔子之諱不敢犯可知

金石錄唐襄州孔子廟堂碑于敬之撰其前題魯大司寇
贈太師宣尼父孔某廟堂碑春秋之法或書字或書名皆
所以寓褒貶之意今敬之為孔子廟碑而斥其名何哉
謝應芳龜巢稿字書之學訓蒙者率以上大人二十五字
先之以為點畫簡而易習也然三千七十指孔門弟子言
則第四字乃聖人名諱理合迴避豈宜呼之於口以瀆萬
世帝王之師嘗易以教與方名西一南二北三等東以字畫較之
亦尚易也廣業案蘭子元人其言如此高則識琵琶記亦
用之知由来已久水東日記言經學小童臨仿字書皆用
此及王子去求仙二十字傳習幾遍海內然皆莫知所謂

諸暨陳儒士嘗見宋學士晚年以眼明自矜細書小字及此學士其知所自矣據其言是明世竟不能改也今塾中亦仍用之但第四字改用孔耳

正字通滋陽古瑕邱縣宋大觀四年因犯宣聖諱以西北有嶷山改嶷陽今加水去山廣業案宋史地理志京東路製慶府瑕縣注大觀四年以瑕邱縣為瑕縣龔縣本龔邱亦是年改蓋以龔慶故魯地時既改左氏封號為中都因亦改瑕龔二縣以避聖諱也他若開封之雍邱封邱密州之安邱等俱未嘗改至嶷陽之名宋志無有唯元史地理志兗州有嶷陽不詳何代何時所改豈政和改瑕之後又

改岷陽殿 黃秉石曰壽陵本名壽邱在曲阜東北六里
宋建景靈宮於此金始避孔子諱改 鮑天鍾丹徒縣志
壽邱山在城西南宋武帝宅基南麓有龍華寺即其址建
學宮嘉靖間更設木主瘞聖像於是山 國朝康熙十一
年教諭談志避先聖諱改曰聖象山自為說其一略云壽
邱之名不知始何時命名者當避山川則命山者當避聖
諱如曰前此不諱獨不曰今此皆諱乎夫以大聖人之名
顧不得比於后王君公先生大人君親師之謂何其仍之
也且世之為孔子諱者至矣凡四子書遇其名讀作某字
今亦可謂壽某山乎不可也或曰當孔子名則某之不當

名不某也然則周之前無論矣文武周公皆聖人也詩書所載文武周公名何不聞某某而獨某孔子知必有取爾也蓋孔子先師也人不可呼君親之名尤不可呼師之名君親一時師萬世故也或曰審爾則尊師者莫如子貢有若一則曰他人之賢者邱陵一則曰泰山之於邱垤今之壽邱亦猶是也何傷也曰是臨文不諱之義且亦非敵面之諛也或曰今安見其敵面乎夫學宮至聖先師之學宮也孔子之靈無時不陟降于此不待明裡盼蟹而後式臨也壽邱為學宮之山即於而呼名無異故壽邱宜更學宮內之壽邱宜急更之維何曰聖像山昔明世宗時易像

為木主曾瘞聖像于是山今適以彼易此使千億世下登斯山者敬而畏之庶幾生榮死哀之意耶其二畧云予既著說改山名有告者曰壽邱向所以不改者以聖像葬此世謂葬為壽穴適與山名相符故也予曰果爾改尚可緩乎哉古有招魂之葬有衣冠之葬况塑像之儼然在焉乎吾見士夫之葬其親也必為之發行狀求誌銘狀上必稱諱某而諱不敢自書也則曰某人填諱今天下讀書談道之人莫非孔氏之徒即莫非孔子之子也故書其諱則誰為填者填且不可而况羣起而呼之哉而改尚可緩哉議者又曰如先生言將邱姓不得列學宮封邱沈邱諸邑不

得祠孔子予曰姓之不改則其人不致忘祖父亦猶親親之義不命之改不改也邑之不改則必待大吏請之朝廷從之紆通而未及舉行也若茲山僅一敞口耳非有統系之難更輿乘之刊定也何憚而不改為歟

附謚東都事畧至和二年詔封孔子孫宗愿為文宣公太常博士祖無擇言唐開元中謚孔子為文宣王今又以其後為文宣公是以祖謚而加後嗣也遂改封衍聖公

顏子回字子淵 論語字淵史記弟子傳字子淵廣業案古人多一字字十哲中如顏淵宰我冉有是也冉伯牛仲弓季路配以行第所謂五十以伯仲其稱子則門人所加故

子張子游在曾子子夏稱之但曰張曰游顏淵之卒也門人厚葬之則淵固有門人矣孔子於弟子無不名惟孟懿子稱其氏曰孟孫蓋其來遊之日已為大夫矣易繫於淵亦曰顏氏之子此必歿後追思不忍名之非若對哀公康子必舉其名也曾子言昔者吾友則并不忍斥其氏東漢向栩乃有弟子名為顏淵子貢季路冉有之輩僭妄甚矣論語撰考識云顏回有甬額似月形淵水也月是水故名淵文選任昉王文憲集序云淵角殊祥然淵非名也識書忍未盡實

曾子參字子輿 孝經釋文參字子輿魯人或作參音同義

別象所林反論語釋文參所金反又七南反廣業案高似
孫子略史記弟子傳參字子輿晉灼讀音如宋昌駮乘之
參古今印史閒居錄並云今讀作參商之參非是陰時夫
韻府羣玉入十三覃音參因考隸釋漢咸陽令唐君頌云
朝有公卓家有參參公卓即孟公綽也參矣論語集注考
云字從伯來此謂參
曾參之字不得混引參即曾閔參參字異也則漢隸并字
亦早作參參若參商之參曾子之子名申音正相同雖古不
諱嫌父子命名當必相避觀其對穆公曰申也聞諸申之
父知其父名必從七南反矣師友雅言乃云凡參字只當
喚作生天上參星母往參焉皆只是三字勿戴以二勿參

以三亦只是參字看來禮部韻不當有參一韻此則主張
太過未盡然也五詳禮記曾子問鄭目錄云名曾子問者
以其記所問多明於禮故著姓名以顯之 柳宗元論語
辨孔子弟子曾參最少少孔子四十六歲是書記曾子之
死則去孔子遠矣曾子之死孔子弟子略無存者矣吾知
曾子弟子為之也且是書載弟子必以字獨曾子有子不
然是弟子之號之也有子亦稱子者以孔子之歿諸弟子
以有子似夫子嘗立而師之則固嘗有師之號矣樂正子
春子思之徒為之爾河東程子曰論語曾子有子弟子撰
所以知者惟二子不名十三經答問亦以為曾子弟子作

若公冶長篇多論人物恐是子貢門人所記先進篇稱閔子侍側恐是閔子門人所記第十九篇多子貢子夏之言然亦必曾子門人記之以有曾子曰故也廣業案檀弓多記曾子與子夏子游子思論列之辭諸子皆字獨曾子稱子并記其易簣事必是曾子門人所為聖門稱孔子必曰夫子論語有酒食先生饌見其與先生並行乃父兄尊長之通稱沈猶行謂從先生者七十人是稱曾子為先生矣樂正子曰先生何為出此言亦稱孟子為先生然曾元稱其父亦曰夫子萬章公孫丑稱孟子亦曰夫子則又名異而實同也諱詩外傳云古謂知道者曰先生猶先醒也賈

誼新書有先醒篇皆取人醉獨醒之意。唐釋皎然好山
集陳時孝廉沈某瑀禪師之高祖也吳興人大歲讀孝經
至參不敏略而不讀師問之曰此大人稱之而小子曷敢
稱之見瑀禪師碑銘序晁氏讀書志孝經首言仲尼居曾子侍是
曾子門人為之

閔子損字子騫 韓文公論語筆解德行類淵閔子騫節說
者曰字而不名非孔子之言韓曰論語稱字不稱字者多
矣仲尼既立此四品諸弟子記其字而不名焉別無異旨
容齋三筆論語所記孔子與人語與門弟子并對其人
問答皆斥其名未嘗稱字雖顏冉高弟亦曰回曰雍至閔

子獨云子騫終此書無損名昔賢謂論語出於曾子有子之門人予意出於閔氏觀所言閔子侍側之辭與冉有子貢子路不同則可見矣論語集注考證先進篇閔子騫以例言之當名但此篇為閔子門人所記故稱其字獲古介書云聖人皆名呼弟子唯閔子騫字之不知何意四書釋地謂孝哉閔子騫是直述時人之語廣業案孔子于弟子皆單稱名惟對哀公康子曰顏回連其姓今於閔子騫姓字並舉若非述時人之言疑當時本以字行也論語所記例皆稱字有過則名以貶之如晝寢之宰予自晝之冉求及孺悲陳亢是也若南宮适問於孔子憲問耻之類則尊

師之義又不可概論矣

冉子雍字仲弓 傳子曰仲尼既歿仲弓之徒追論夫子之言謂之論語荀子非相篇仲尼長子弓短楊倞注子弓蓋仲弓也言子者著其為師也非漢駢臂子弓又非十二子篇儒效篇皆以仲尼子弓並稱廣業案史記弟子傳孔子傳易於高矐矐傳楚人駢臂子知知傳江東人橋子庸疵疵傳燕人周子家豎駢_臂之字非子弓亦非漢人漢書儒林傳則云矐受易孔子以授魯橋庇子庸子庸授江東駢臂子弓子弓授燕周醜子家既改其字為弓又奈其授受之次矣但荀卿嘗傳毅梁子春秋_{正教}梁則不得遠師仲弓

王弼論語注逸民朱張字子弓荀卿以比仲尼集注考證
又云朱張即周章武王求之不得故曰逸民諸說未知孰
是宋賈同責荀曰荀非思孟而稱仲尼子弓吾不知子弓
何如人而荀謂仲尼者何如人也吾不信荀也

有子若 史記弟子傳孔子既歿弟子思慕有若狀似孔子
弟子相與共立為師師之如夫子時也他日弟子進問有
若無以應弟子起曰有子避之此非子之座也論語集注
考證門人尊之不以字行而稱有子後人遂不知其字雖
孟子亦名之宜史記弟子傳不傳其字也檀弓多稱有子
又言有若之喪悼公吊焉子游擯由死則有若先子游卒

矣

卜子商字子夏 弟子不當字其師子夏之門人稱子夏蓋以子張為師之友故也子貢語叔孫武叔亦連稱仲尼對子服景伯即稱夫子檀弓曾子謂子夏退老西河之上使西河之民疑女於夫子史記弟子傳子夏居西河教授為魏文侯師儒林傳孔子卒後七十子之徒散遊諸侯大者為師傅卿相小者友教士大夫或隱而不見故子路居衛子張居陳澹臺子羽居楚子夏居西河子貢終於齊如田子方段干木吳起禽滑釐之屬皆受業於子夏之倫為王者師

者師

言子偃字子游 閒居錄云言於字子游於旌旗之游也見
說文魏了翁常熟縣重遊學記中序言游之祠云檀弓一
篇於子游極其稱譽以言曾並列其是言而非曾者非一
雖汰哉叔氏一語若譏之而實尊之昔柳宗元謂論語惟
曾子有子不字遂謂是書出於曾門蓋以字輕而子重也
及考孔門之訓字為至貴蓋字與子皆得互稱如門人於
孔子進而稱子不敢氏字退而稱仲尼不言子其次子且
字者不一二人或子或字者數人然淵弓至游夏最號高
弟字而不得子也有子曾子子而不得字也就二者而論
則字為尊蓋子雖有師道之稱然係於氏者不過男子之

美稱耳故孝經字仲尼而子曾子禮運字仲尼而名言偃
至於子思字其祖孟子字其師父祖相傳至今人之字仲
尼者毋敢以為疑字既尊矣則雖孟子亞聖亦不得以字
稱不寧惟是仲尼作春秋二百四十二年間字而不名者
僅十二人而游夏諸子之門人亦各字其師相承至於漢
猶未敢輕以字許人由是而觀則子游以句吳孤遠之士
北學洙泗遂得字而不子以列于高弟之目此豈易易然
者集廣業案字貴於子之說殊非定論不過欲為道南
生色耳若縣子所稱叔氏鄭注以為子游字孔穎達以叔
氏為子游別字然則稱其別字并子游之字亦避之矣不

据此以明其尊而必屈曾而仲言何耶

孔子孫伋字子思 檀弓記子思事惟曾子名呼之曾子蓋

子思之師也柳若及門人皆相謂為子史記謂孟子受業

子思之門人漢書直以為弟子考七篇於子思皆稱字其

言昔者魯繆公無人乎子思之側斯為追溯甚明又云子

為長者慮而不及子思又云君之犬馬畜伋必非師弟之

辭史記是也詳拙著孟了翁又謂孟子字其師之祖曰

仲尼本七篇稱仲尼者四一對齊宣王一與周公連言名位

之際古人慎之水哉則徐子所稱惟不為己甚是斥字耳

然七篇中孔子凡數十見私淑聖人非因師祖而不字也

作中庸首尾稱仲尼中稱子著之體應滿至孟子則孔子
魯子皆子之亦質文隨時異也况敢字其師乎漢藝文志
子思二十二篇隋志作子思子宋潛溪曰避孔子不致稱
姓故曰子思子中庸章句序稱子思子吳程曰稱子者師
尊之也重在下一字今意林所錄尚五六條

孟子 史記列傳無字趙邠卿亦曰字則未聞聖證論云學
者不知孟軻字按子思書及孔叢子有孟子居即軻也軻
少居坎軻故名軻字子居也御覽人事部廣韻引云孟子居負軻故名軻字子居
金仁山云軻車軸故字子車三遷志云孟子不應與魯子
同字當以子居為是 譚貞默孟子編年樂正子語魯平

公曰君奚為不見孟軻君前臣名也 陳龍正隨時問學
辨名孟子非禮云自韓愈名孟子後世因之至伊川序明
道墓猶仍其失噫使稱誦孟子而可名稱誦父母亦可名
乎讀孟子者於其自稱名則不易音亦稍礙於孔子可矣
臨文呼名無禮之大者也

樂正子克 孟子七篇史記及風俗通皆言孟子與萬章之
徒所作韓昌黎則云非孟子自著孟子既歿其徒萬章公
孫丑相與記其所言今考內篇惟樂正子公都子屋廬子
不名陳臻兩稱陳子盡心末篇一鄉皆稱原人焉古本亦
作萬子曰意必此教子之門人所記而孟門高弟樂正稱

首故孟子與浩生不害言亦曰樂正子羣輔錄列八儒有云樂正氏傳春秋為屬辭比事之儒則學於樂正者尤多也

公羊子高齊人穀梁子淑字元始魯人一名赤皆受經於子

夏

揚士勛公
羊正義

穀梁又名喜

漢書注

並傳春秋公羊正義曰左

氏先著竹帛故漢時謂之古學公羊穀梁漢世乃興故謂之今學 郝經春秋三傳折衷自序云公羊氏稱子沈子子司馬子子女子與自稱子公羊子皆其師友也其稱高子與穀梁氏之尸子沈子等皆其師也故尊之與孔子同

加子於上者

尊而師之也

直稱

穀梁氏於隱公五年自稱穀梁

子而上不加子穀梁氏之門人稱之也其蘧伯玉則記孔子之時賢大夫之言亦著其師之所授也獨公羊氏稱魯子者五與孔子直稱子同則著其師之所傳故推尊之如此亦如孔子既歿門弟子之稱有子師事而尊稱之也語孟注無所謂魯子者疑魯為曾傳寫之誤蓋左氏公羊氏皆出曾子而穀梁氏受之沈子尸子之徒沈子尸子之徒則受之曾子也廣業案漢書人表魯子與沈子北宮子尸子並列其沈子下自注魯人善春秋則魯子可類推矣公穀之學皆出于夏何得強改魯為曾而謂沈子尸子皆曾子之徒耶何休曰子沈子後師明說此意者沈子稱子冠

氏上者著其為師也不但言子曰者避孔子也

公羊昭十
二年傳子

四注子

謂孔子其不冠子者他師也

年傳

一范甯曰穀梁子者非

受于師自其意也

穀梁隱
五年傳

則諸稱子與不稱子之例先儒

已詳言之矣

宋鉞即宋姪與尹文子皆悅墨子之風磁漢藝文志宋子十

八篇言黃老荀子正論篇有子宋子楊倞注以為荀子之

師故冠氏以子蓋宋鉞也孟子亦稱為先生

荀况趙人史記與孟子合傳謂為荀卿而不名傳云年五十

遊齊田駢之屬已死齊宣王時而荀卿最為老師三為祭酒

適楚為蘭陵令著書名荀卿子儒林傳謂孟子荀卿之列

咸遵夫子之業而潤色之以顯于當世韓昌黎謂荀氏猶在軻雄之間欲削其不合附聖人之籍然如性惡非十二子等篇顯與聖人悖何得與孟子並若楊雄則文章之士太元法言豈足為經哉

列禦寇漢藝文志作圖寇列子八篇先莊子莊子稱之避暑錄話云列子書稱子列子此是弟子記其師之言非列子自云也劉禹錫自作傳稱子劉子不可解意是誤讀列子廣業案莊子書引列子甚多每稱必曰子列子知莊為列子弟子也逍遙遊列子御風而行俗本無子字初學記引之自作子列子

屈平字原離騷有九辨舊說宋玉所作而中云負士失職而志不平又皇天平分四時玉不應觸其師諱則為平自作無疑也

以上師

蘧瑗字伯玉晏嬰字仲平仲史記弟子傳孔子之所嚴事於周則老子於衛蘧伯玉於齊晏平仲於楚老萊子於鄭子產於魯孟公綽

老子李耳字伯陽楚人家語觀周篇孔子謂南宮敬叔曰吾聞老聃博古知今則吾師也與俱至周問禮焉史記孔子謂弟子曰吾今日見老子其猶龍邪禮記曾子問載孔子

曰昔吾從老聃助葬於巷黨及桓曰有食之老聃曰某止
柩又言吾聞諸老聃鄭氏注云老聃古壽考者之號也夫
老聃名呼孔子與微生畝同而孔子每稱必舉其號曰老
聃史記作聃則嚴事信矣老萊子亦楚人史魚蘧伯玉等魯
論皆稱字原壤孔子之故人也以其夷俟故諸者特貶而
名之檀弓伯高亦稱字

顛孫師字子張論語子游曰吾友張也曾子曰堂堂乎張皆稱
字游夏相稱亦以字師前則名如賜也何敢望回由也問
聞斯行諸之類檀弓曾子怒子夏曰商則以其哭子喪明
罪之耳

以上友

漢

叔孫通

番灼曰楚漢春秋名何

薛人本秦博士降漢號稷嗣君專進言

羣盜壯士所從儒生弟子百餘人皆竊罵曰事先生數歲
幸得從降漢今不能進臣等專言大猾何也通曰諸生且
待我我忘矣既與魯諸生及弟子起朝儀高帝拜通為
太常諸弟子悉為郎諸生迺皆喜曰叔孫生誠聖人也知
當世之要務惠帝時漢諸法儀皆叔孫生所論也說廣業
案史通傳始稱先生或稱公即高帝亦曰吾聽公言後直
稱生蓋與田生伏生等同例又有直稱為先者漢書梅福

傳曰叔孫先非不忠也師古注先猶言先生晁錯傳學刑
名於軹張恢先所徐廣曰先即先生又有鄧先是漢時有
此稱大戴禮所謂先則任賢也亦尊師之辭今人呼某老
先當昉於此

田何字子莊

一作莊

齊人傳易以齊田徒杜陵號杜田生言易

者宗之

漢書儒林傳

廣業案漢時經師率稱生或稱公儒林傳

云言易自淄川田生言書自濟南伏生勝言詩於魯則申

培公於齊則轅固生燕則韓太傅嬰言禮則魯高堂生言

春秋於齊則胡毋生於趙則董仲舒師古注云培固者其

人名公生者其號也它皆類此藝文志易有蔡公二篇人

王孫仲舒亦稱董生或稱鄉通稱曰家曰氏藝文志易十
一家書九家及易傳有周氏服氏楊氏之類是也史記儒
林傳申公伏生歐陽生等皆不名隨經籍志韓詩二十二
卷注云漢常山太傅韓諱嬰薛君章句於韓曰諱於薛曰
君皆弟子尊師之辭也

毛長 詩正義漢儒林傳云趙人為河間獻王博士不言其
名范氏書云毛長傳詩是為毛詩知毛公名長鄭氏詩譜
云魯人大毛公為訓詁傳於家河間獻王得而獻之以小
毛公為博士然則大毛公為傳由小毛公而題毛也

董仲舒廣川人史儒林傳云明春秋傳公羊氏為景帝博士

下帷講誦弟子以次受業莫見其面學士皆師尊之主父
偃疾之取所著災異之記奏之天子召示諸生其書有刺
譏仲舒弟子呂步舒不知其師書以為下愚下仲舒獄論
无赦之又云弟子通者廣川段忠溫呂步舒廣業案忠溫
漢儒林傳作仲溫步舒之舒徐廣以為一作茶亦音舒然
則二生之名俱同其師矣而步舒甚至詆師書為下愚豈
所謂雜師輔而不反者耶史略云史序司馬相如舉郡縣
著其字至蕭曹陳平之屬及董仲舒並時之人不記其字
或縣而不郡蓋不暇也仲舒或云字寬夫又南齊州郡志
永明間有刺史董仲舒

孟卿東海蘭陵人喜為禮授后蒼師古注時人以卿呼之若

言公矣蒼字近君邠人卿蒼說禮教萬言號曰后氏曲臺

記

履度曰在曲臺校書著記因以為名師古曰曲臺在未央北

授沛閭人通漢子方梁戴

德延君戴聖次君沛慶普孝公德號大戴信都太傅聖號

小戴九江太守由是禮有大戴小戴慶氏之學大戴授琅

玕徐良小戴授梁人橋仁季卿楊榮子孫辨宣帝時大小

戴立學官見儒林傳廣業案孟卿子喜字仲卿故師古知

卿必非名而以公比之二戴在當時亦無名者故以大小

為別是考所据小戴最多淵源不可沒也特詳其授受焉

且諸經師皆先師也鄭注文王世子先師若禮有高堂生

樂有制氏詩有毛公書有伏生億可以為之人不敢名師
况先師乎

朱雲字游太傳蕭望之門下士也宣帝時望之有罪不肯下
獄字謂雲曰趣和樂來無久留我死遂飲酖自殺漢書廣業
案本當呼雲今稱其字變其常也若游俠傳樓護王莽時
大司農王邑父事之時請賓客邑居樽下曰賤子行酒護
東鄉正坐字謂曰公子貴何如公子邑字也此之呼字謂
之倨傲可矣

侯瑾字子瑜燉煌人性篤學覃思著述西河人敬其才不敢
名之皆稱為侯君後書文苑傳

周瑒字孟^子至樂安人高潔之士前後郡守招命莫肯至及陳

蕃為大守獨能致焉字而不名特為置一榻去則收之

後書

陳蕃

廣業案蕃為豫章太守特為徐穉設榻詳徐穉傳而

蕃傳不書蓋互文以見也

鄭元

本字

遷改字康成北海高密人事扶風馬融辭歸融曰鄭生

今去吾道南矣靈帝末年六十弟子數千國相孔融深敬

之告高密縣為特立一鄉曰昔齊置士鄉越有君子軍皆

異賢之也鄭君好學實懷明德昔太史公廷尉吳公謁者

僕射鄧公皆漢之名臣又南山四皓有園公夏黃公潛光

隱耀世嘉其高皆悉稱公然則公者仁德之正號不必三

事大夫也今鄭君鄉宜曰鄭公鄉廣開門衢號通德門書

稱之鄭公執子孫禮九州廣業案彼去小說云融請之歸

告僚屬曰昔周人尊師謂之尚父今可咸曰鄭君不得稱

名也與傳稱鄭公異古人公字不妄加人宋何偃呼顏延

之為顏公延之以其輕脫荅曰身非三公之公又非田舍

之公又非君家阿公何以見呼為公偃羞而退田舍公何

公當作翁古公翁通用漢書公主亦作翁至愛日齊藁鈔

論公字最詳其言曰古稱公不以爵者如董公呂公夏黃

公泄公蓋公申公毛公吳公殆以老成尊之諸老歷秦漢

間齒既宿矣司馬德操凡事龐德公呼作龐公可見尊稱

也于定國父為獄吏決曹亦稱于公正以年德見推唯夏
侯嬰稱滕公時為滕令後方賜侯爵班書嬰為滕令奉車
故號滕公猶項羽所使薛公郢公或例以令長稱公也秦
宋令長稱公漢高祖為沛令稱沛公孔融告高密縣為鄭康成立鄭公鄉云
云柳子厚書相國房公瑄碑陰曰天子之三公稱公王者
之後稱公諸侯為王卿士亦曰公有土諸侯其臣稱之曰
公尊其道而師之曰公楚之僭凡為縣者皆曰公又通謂
年長老曰公三公若周公召公王者之後若宋公為卿士
者衛武公號文公鄭桓公其臣稱之則列國皆然師之尊
為大公楚之為縣者若葉公白公長老若毛公中公浩公而

大臣罕能以姓配公者雖近有之然不能著也唐之元臣以姓配公最著者曰房公東坡記墨君堂曰凡人相與號呼者貴之則曰公足證公者不專以爵也洪景廬謂范史惟三公乃以姓配之如劉鄧禹稱鄧公詳官三國亦有諸葛公馬公顧公張公本朝惟韓公富公歐陽公司馬公蘇公為最著是亦以爵稱而實不專以爵也據如此孔融立鄉之意乃專尚德然晉唐人稱引鄭氏却都曰鄭君

蔡邕字伯喈東國宗敬中郎不敢言名咸稱蔡君兖州陳留

吳國畫形像為之目曰文同三閭孝齊參謝林後邕從

朔方還嘗避怨於吳吳人顧雍從學琴書專一清靜伯喈

貴異之曰卿必成致今以吾名與卿故雍與伯喈同名以
為伯喈之所歎因以元歎為字吳志顧雍廣業案邕雍為
字雖同其體自異史傳中郎之名無作雍者停雲館帖曹
娥碑直作蔡雍非也蓋元歎于曲狗師命中仍寓避諱之
意焉御覽引齊諧記廣陵王瓊之為侯安令忽一鬼自稱
姓蔡名伯喈往復談論誦詩書知古今問是昔蔡邕否答
云非也與之同姓名耳問此伯喈今何在曰在天上或下
作仙人飛來飛去受福甚快非復疇昔也論衡別通篇有
扶風蔡伯喈心自通明覽達古今

邊韶字孝先文學知名教授數百人有口辨嘗晝日假卧弟

子私嘲曰邊孝先腹便便懶讀書但欲眠部潛聞之應時對曰邊為姓孝為字腹便便五經苟但欲眠思經事寢與周公通夢靜與孔子同意師而可嘲出何典記嘲者大慚

書後

以上師

周勃 漢書爰盎傳孝文時絳侯為丞相上禮之恭盎進曰丞相何如人也上曰社稷臣盎曰絳侯所為功臣非社稷臣絳侯望盎曰吾與汝兄善絳兄今兒迺毀我盎不謝後人告絳侯反盎明其無罪得釋絳侯迺大與盎結交既而中屠嘉為相盎見之曰君為相自度孰與陳平絳侯丞相

曰不如廣業案陳周皆故丞相一名一爵者絳侯與蓋友善故也

李陵字少卿 漢書昭帝立大將軍霍光左將軍上官桀遣陵故人隴西任立政等至匈奴招陵立政曰吐少卿良苦霍子孟上官少叔謝女陵曰霍與上官無恙乎立政曰請少卿來歸無憂富貴陵字立政曰少公歸易耳恐再辱奈何廣業案霍上官但稱姓者外之也以任故人故字之

龐德公字山民襄陽人孔明每至其家獨拜牀下龐公初不令止司馬德操嘗造德公值其渡沔上祀先人墓德操徑入其室呼德公妻子使速作黍徐元直向云有客當來就

我與龐公譚其妻子奔走供設須臾德公還直入相就

不知何者是客也德操年小德公十歲兄事之呼作龐公世

人遂謂龐公是德公名非也蜀志龐廣業案朋友本有兄

事之禮非必結為兄弟也於時昭烈關張同牀共器思若

兄弟後世因有結義之說僭倣者乃至行路相逢便定伯

仲其望年觀貌不擇是非顏氏家訓已譏其失矣若一旦

臨小利害不相爭引詰引或擠之又下石焉不更有愧於柳子

厚乎

福衡字正平原人與孔融為爾汝交未滿二十融已五十

致衡才秀共結殷勤建安初北遊懷刺漫滅竟無所詣世說

以上友

宋

劉瓛字子珪小字阿稱太祖召入華林園講論儒學冠時京師士子莫不下席住在壇橋瓦屋數間上皆穿漏學徒敬

慕不敢指斥呼為青溪焉

宋書

郭世道

南史作通

會稽永興人仁孝之風行於鄉黨隣村大小莫有呼其名者文帝殺表門閭改所居獨楓里為孝行察孝

廉不就

宋書孝義傳下周

范叔孫吳郡錢唐人周窮濟急鄉曲貴其行義莫有呼其名者孝武孝建中除竟陵王中軍叅軍不就

北齊

楊愔字遵彥小名秦王宏農人神武時避禍棄官變姓名劉

士安入田橫島以講誦為業海濱之士謂之劉先生

北齊書

唐

秦景通晉陵人與弟暉皆精漢書號大秦君小秦君

唐書敬
傳

案唐初經師甚多史逸敬名之事故略焉

蕭頴士字茂挺開元進士天寶初秘書正字奉使括遺書趙
衛間淹久不報被劾免留客濮陽尹徵王恒盧異盧士式
賈邕趙匡闔士和柳并等皆執弟子禮以次授業稱蕭夫
子後為河南府叅軍倭國遣使入朝自陳願得蕭夫子為

師崔圓授揚州功曹人稱蕭功曹

元延祖三歲而孤祖仁基救其母曰此兒且祀我因名而字
之年過四十親姬勸之仕為延唐丞棄去卒年七十六門
人私謚曰太先生子結字次山代宗時官至道州刺史自
作元子十篇云始逃亂猗玕洞稱猗玕子著猗玕子三篇
後家漢濱自稱浪士人呼漫郎又稱聾叟

新書恭魯公所
作次山墓碑

案新書言延祖再調春陵丞據顏碑但云歷魏城主簿延
唐丞輒引去家魯縣商餘山卒史蓋因結刺道州時曾作
春陵行遂致誤也太為謚亦所僅見

韓愈字退之南陽人通六經百家力排二氏憲宗朝官至吏

部侍郎謚曰文與人交始終不少變成就後進士往往知名經愈指授皆稱韓門弟子所著原道原性等數十篇與行精深佐佑六經他文要不襲前人其徒李翱李漢皇甫湜效之不及遠甚從愈遊者若孟郊張籍皆有名于時又有賈島劉叉皆韓門弟子新書懶真子曰郊籍非輩行也東野乃退之朋友張籍乃退之為汴宋觀察推官日所解進士也李翱皇甫湜則從退之學問者也故詩曰東野窺禹穴李翱觀濤江又云東野動驚俗天葩吐奇芬張籍學古談軒昂避雞羣于東野稱字而羣弟子則稱名素籍字文昌翱字習之湜字若孔子稱蘧伯玉子產回也由也之類而唐史乃持正

使東野與羣弟子同附退之傳後世人不知遂皆稱為韓門弟子誤矣又野客叢書曰劉貢父葉石林洪容齋亦皆以翱混為韓門弟子僕觀退之固曰李翱從僕學文頗有所得而翱答退之書曰如兄頗亦好賢如兄得志與陸侏書曰我友韓愈薦所知于張徐州書曰昌黎韓愈是待退之以同輩而不以師禮事之也翱嘗言曰師之於門人則名之于朋友則字而不名稱之於師雖朋友亦名翱言如此而稱愈如彼是不以師待愈明矣混稱退之動曰先生又有以驗翱混所以待退之之異也廣業紫韓答崔立之書曰近有李翱張籍者從予學文故撫言據此謂翱籍皆

升朝籍北面師之由叢書言之則常在師友之間但容齋
隨筆載浯溪石間有皇甫湜詩為元結而作詞云子昂陳
感遇佳未若君雅裁退之全而神亦與千載對則湜亦嘗
字其師矣退之答張文昌書云吾子不以愈無似是籍雖
在門下猶以友道待之若月蝕詩呼盧仝為玉川子而劉
又取退之金去曰此諛墓中人得乎不若與劉君為壽又
豈師弟之詞耶島字浪仙初為浮屠名無本後舉進士

孟郊字東野武康人與愈為忘形交為東都留守叅謀卒張
籍謚曰貞曜先生新書愈常稱其字曰東野與之唱和于文
酒之間舊書廣業案郊卒愈為墓誌稱曰貞曜先生孟氏又

曰先生諱郊字東野而於張籍則直名之懶真子之言信也
也以工師

裴諒嘗過蘇瓌瓌子頽方五歲乃試誦庾信枯樹賦將及終

篇避諱字因易其韻曰昔年移樹

原作楊柳

依依漢陰

原作南

看搖落悽愴江潯

潭原作

物猶如此人何以任

原作堪

談駭嘆

久之知其他日必主文章也

張鷟朝野僉戴

廣業案小許公幼已

頽悟若此而開天傳信記載瓌初未知頽處之馬廐中與

傭僕雜作有容見其詠崑崙奴詩為瓌誦之瓌始稍稍親

之又蘇籍記樂城先生遺言云蘇瓌訓頽常令衣青布襦

伏于床下出其頸受擾楚二事皆與張鷟所記不同

杜甫 朱子語類云唐人尚不諱名故杜詩曰白也詩無敵
李詩飯顆山頭逢杜甫梁溪漫志云古者風俗淳厚朋友
相呼以名唐詩白也詩無敵是也直呼其行者尤多今人
聞呼名其不怒罵者幾希至呼行或從之以文或繼之以
兄未嘗徒呼其行也稽覽雜記所說畧同

盧仝號玉川子與馮異結交詩曰仝仝異不異是謂仝

而小異仝自仝異自異是謂仝不來兮異不至正字通

高定郢之子幼慧蓄絕倫仕至京兆參軍小字董董人以幼

慧多以字稱之舊唐書
郭傳

柳公權字誠懸公綽之弟書法結體動媚自目一家文宗朝

官太子少師 黃長睿法帖刊誤云柳少師與弟帖末云
誠懸呈人多疑之云云群原日知錄云漢書注張晏曰匡
衡少時字鼎世所傳與貢禹書上言衡敬報下言匡鼎白
南史陶宏景自號華陽隱居人間書札即以隱居代名
此自稱字之始也東觀餘論言古人或有自稱字者如逸
少誠懸云云今按唐權德輿荅楊湖南書稱載之再拜柳
冕荅鄭衢州書稱敬叔頓首白居易與元九書稱樂天再
拜宋陳搏謁高公詩稱道門弟子圖南上又唐張謂長沙
風土碑銘有唐八葉元聖六載正言待理湘東張洗濟瀆
廟祭器幣物銘濯纓不才謬領茲色元頓作白氏長慶集

序自書微之序乃是作文自稱其字湛淵靜語載觀風堂
帖林和靖二詩自書君復奉呈某人又楊雄曰後世有楊
子雲必知元蘇章曰今日蘇孺文與故人飲酒私恩也昌
黎誌李虛中曰將疾謂其友韓愈退之王敦自謂王處仲
皆自稱字

齊映 摭言曰浙西李舟與齊相國映友善映為將相舟為
布衣而舟致書於映以友不以貴也時映左逐變舟書三
十三官足下近年已來宰臣當國多與故人禮絕僕以禮
交足下則足下長者僕心未忍欲以故人交足下則慮悠
悠之人以僕為卑我修書送迓至今

以上死

周

李濤 石林詩話世言社日飲酒治聾不知何據五代李濤
有春社從李昉求酒詩云社公今日沒心情為乞治聾酒
一甌惱亂玉堂將欲徧依稀巡到第三廳昉時為翰林學
士有月給內庫酒故濤乞之則其傳久矣社公濤小字也
唐人在慶侍下雖官高年老皆稱小字濤性不羈與朝士
言亦多以社翁自名聞者皆笑然亮直敢言後官宰相廣
業紫俗傳社日生子髮膚俱白謂之社人睽車志載襄陽
劉知常始生皓首赭面俗謂之社公兒濤小名社公不知
何所取也

宋

邵子雍字堯夫隱居洛中自號安樂先生嘉祐詔求遺逸補
潁川團練推官不受元祐賜謚康節所至童孺靡不識皆驩
相謂曰吾家先生來也不復稱其姓字

宋史程顥墓誌稱康

節先生

周子敦頤字茂叔道州營道人元名敦實避英宗舊諱改後
因光宗諱又單稱頤熙寧中知南康軍因家廬山蓮花峯
下取營道所居濂溪名之學者稱濂溪先生嘉定間賜謚
元淳祐初封汝南伯

宋史

朱子語類云古人未嘗諱字程

夫子曰予年十四五從周茂叔本朝先輩尚如此伊川亦

嘗呼明道字廣業案山陽度正元公年譜云明道伊川皆師
元公授以太極圖近朱竹垞作太極圖授受考据伊川撰
明道行狀云先生為學自十五六時聞汝南周茂叔論道
云云又据潘興嗣墓志以辨其無是事又曰呂與叔東見
錄有昔受學于周茂叔之語弟子稱師無直呼其字者而
遺書凡司馬君實張子厚邵堯夫皆目之為先生惟元公
直呼其字至以窮禪客目元公尤非弟子義所當出且元
公初名惇實後改敦頤以學傳伊川矣不應下同其名而
伊川亦不引避昔朱夫子表程正思墓稱其名下字同周
程並請於其父而更焉孰謂二程子而智反出正思下哉

竹垞此辨甚核康熙間公裔孫沈珂吳郡人輯元公集十一

卷中載遺事云伊川先生作其父大中公家傳云公嘗假
倅南安軍獄掾周敦實甚少不為守所知公視其氣貌非
常人與語果為學知道者因與為友揆此則伊川于元公
不惟字之且名之矣豈有弟而名其弟者尤足徵度說之
誤又濂溪本作廉溪後加水為濂度正年譜謂濂溪在營
道西距縣二十餘里以營道大富橋古碑記考之自有所
謂濂水者蓋舂陵溪泉之名大率從水如洄溪澗泉淳泉
之類濂溪亦然耳而蘇子忠黃太史皆其同時人乃專指
廉退為義若先生名之以自况者不知何所據也

命名朱子已疑事狀失其本意而未有定論今元公集有
林栗江州學廉溪祠記云濂字音切義訓與廉節之廉異
廉訓清也儉也又如堂之有廉器之有廉截然介辨之意
濂音似廉而不類又有里參翻合鑒翻者其訓薄也又大
水中絕小水出也聞諸人曰先生之子求詩魯直避其從
父之名改焉嗚呼儒者之學本於文字義訓而謹于正名
毫釐之差千里之謬不可忽也東坡云先生本全德廉退
乃一隅因拋彭澤朱偶似西山夫遂即世所知以為溪之
呼應同柳州柳聊使愚溪愚則固已不足於廉矣又將轉
而為濂由儉以趨薄由清以絕物殆為陳仲子之搯乎地

以人重人以名高因諱避之訛以成聲畫之舛遂使先生之德與是溪之名俱蒙薄絕之累將非後死者咎與予是以正之林氏此記甚躋又崇山谷詩前有序云茂叔短於取名而惠於求志薄於微福而厚於得民云云又云聞其餘風猶足以律貪則字本作廉無疑自改書世鮮知本為廉者甚非崇尚先儒之道也特詳錄於此

程子顥字伯淳哲宗時終宗正丞文彥博題墓曰明道先生

賜諡純公封河南伯

宋史下同

程子頤字正叔官至直秘閣世稱伊川先生賜諡正公封伊陽伯案朱子極推服二程既訂其遺書外書每稱必曰二

先生而大學章句序直曰河南程氏二夫子出有以接孟子之傳復載明道先生之卒及其弟正叔之序於孟子卒章凡四書集注稱引二程之說先以明道伊川為別繼以伯子叔子為別後以其學同更不分別總稱程子學庸章句首引子程子次惟元公橫渠亦稱子諸儒稱氏如謝氏

良佐字顯道朱子有故交上蔡先生語錄

楊氏時字中立尹氏

考明洪氏

吳祖字慶善

之

類不名字者稱官如劉侍讀敬之類時人稱字如張敬夫

杖之類其曰愚聞之師則李延平先生侗字愿中也

邢惇字君雅雍邱人真宗時舉進士不中性介不妄交遊耽

耽經史里人號為邢夫子

器

譙定字天授涪陵人精於易學北山有巖師友游咏其中涪
人名曰讀易洞金兵至遁居青城大酉之中蜀人指其地

曰譙巖敬定而不敢名曰譙夫子

宋史

張子載字子厚官至翰林學士為闕中士人宗師世稱橫渠

先生賜謚明公封邵伯

宋史

朱子熹字元晦一字仲晦徽州婺源人慶元間官終秘閣修
撰追謚文封徽國公人稱考亭夫子或云紫陽夫子 劉
屏山字朱子說曰冠而欽名粵惟古制朱氏子某幼而騰
異交朋尚焉請祝以字字以元晦表名之義昔者曾子稱
其友曰有若無實若虛不斥厥名而傳于書朱子語類音

其門人所記稱朱子曰遇朱子自名必代以某柳下生

豫變紀畧陳天清在俘虜中

拓城人為流賊所虜

部帥有號琉璃滑

者頗知書見陳而憫之曰汝知書乎對曰知因子以扇上書歸去來詞使誦之至晨光熹微句帥遽曰止止汝非秀才也當作熹微何作熹微乎陳愕然良久始悟乃曰熹作某讀避考亭夫子諱也唯毛詩序及四書章句則然耳餘皆如字猶避孔子諱者唯十室無隱等章句則諱餘如邱陵邱隅等則皆如字也帥首肯呼使坐談曰汝大可人自審機會可逃則逃不汝禁也陳至扶溝遁還廣業案此賊帥知敬紫陽蓋其初亦被脅從者嘗見董文敏臨淳熙二

年吳琚所書歸去來詞晨光之熹微作晞微殆亦因避紫陽而改歟

張又延平人入太學為齋長其人形小而動以苛禮律諸生
莆田林叔躬輕薄士也以其名字作賦嘲之其警聯曰身
材短小欠曹交九尺之長腹內空虛乏劉義一點之墨齊
野案此效尤邊韶師弟而變本加厲者雖齋長稍異於
授經而世教凌替即可見矣故附錄之

以上師

傅霖青州逸民也張乖崖諫少與同學乖崖既顯達求霖三
十年不得晚年守宛邱有被褐騎驢叩門大呼曰語尚書

青州傳霖閩吏走白公曰傳先生天下士汝何人敢呼姓名霖笑曰別子一世尚爾童心是豈知世間有我我公問何昔隱今出霖曰子將去矣來報子耳公曰詠亦自知之霖曰知復何言後一月公薨

西清詩話亦見事畧

黃庚堅字魯直分寧人嘗遊皖樂山谷寺石牛洞之林泉因自號山谷道人天下皆稱曰山谷而不名以配東坡焉山谷以今時人形入詩句蓋取法少陵少陵詩云不見高人王右丞藍田邱壑蔓寒藤又云復憶襄陽孟浩然清詩句句盡堪傳之類是也山谷云司馬丞相驟登庸詔用元老超羣公又云閉門覓句陳無已對客揮毫秦少遊之類是

也近世風俗說甚悉以文相呼更不復知其字疇敢形入
詩句必相顧失色也禮曰年長以倍則父事之十年以長
則凡事之五年以長則肩隨之今不問長幼悉以文呼是不
曾讀禮記寧不差乎禮記廣業案程董二先生學則有云相
呼必以齒年長倍者以丈十年長者以兄年相若者以字
勿以爾汝書問稱謂亦如之程董係朱文公前輩也然
則應以丈呼不應以丈呼自有一定之例矣可混施乎梁
谿漫志載大觀政和間有達官著書於歐陽叔弼蘇叔黨
皆直名之如曰予見斐言又曰予見過當問之此達官於
六一東坡既非輩行以前輩著書之法言之恐不當名其

子

張棧字敬夫號南軒廣漢人魏公浚之子 孫緒無用閒談
文公平生畏友東萊南軒二公耳南軒相門之子故多頌
詞至東萊則信意規戒若曰規者親頌者疎論孟集注中
一則曰敬夫二則曰敬夫至東萊則直謂之呂氏而已豈
利勢駭人賢者亦不免耶廣業案古人以字呼友禮之正
也論語干祿及務民義等章所引呂氏乃名大臨字與叔
藍田人非東萊也沙溪之言正未可信或云因敬夫而曲
護魏公則未免有之至赤牘稱謂答陸子美書稱長者稱
其弟直曰子靜答子靜書稱老兄稱其兄則曰子美尊兄

餘可類推。文公文集又答林擇書論呂原明著呂公家傳義例不明所載同時諸人或名或字非褒非貶皆不可考。至蘇公則前字後名尤無所據。豈其學無綱領故文字亦象之耶。觀此知先儒著書名字之間不可不慎也。

姜潛字至之。蘇子瞻與同坐友。宴姜先舉令云。坐中各要一藥名。因指子瞻曰。子蘇子子瞻。應聲曰。君非半夏。夏定是厚朴。姜詰其故。子瞻曰。非半夏厚朴。何以曰姜制之。蘇軾調話編

謝直字古民。原名希孟。黃巖人。官通判。與鄉人陳伯益好。相調戲。伯益面狹多髯。希孟見寫真掛壁上。題云。伯益之面大如兩指。髯不仁。侵擾乎其旁。而已。于是乎伯益之

而所餘無幾伯益病之希孟後改名直伯益因以兩句咏
其名曰炊餅担頭挑取去白衣鋪上喝將來聞者絕倒

英談

何斯舉黃州人初名頡字頡之后名頡之黃魯直極推重之

嘗與斯舉簡云老病昏忘不記貴字欲奉字曰斯舉取色

斯舉矣翔後集但恐或犯公家諱字爾繼以清言

方千里嘉禾人官舒州通判一日會相識張更生千里乃作一
令戲曰古人有劉更生今人有張更生手執一卷金剛經
問你是胎生卵生濕生化生更生亦作令曰古人是馬千
里今人是方千里手執一卷刑法志問你是五千里四千

里三千

葦杭
紀談

附許我史我

夢溪筆談曰賈魏公為相日有方士姓許對

人未嘗稱名無貴賤皆稱我士人謂之許我言談頗可採茂
視公卿一日公使召之數四不至使門人苦邀之許騎驢
直前門吏止之曰此丞相廳門雖丞郎亦須下許曰我無所
求於丞相丞相召我來若如此但須我去耳不下驢而去
追之不得以白公又使人謝而召之終不至公嘆曰許市
井人耳無所求於人尚不可以勢屈况以道義自任者乎
亦載墨渑水燕談曰史延壽嘉州人以善相遊京師視貴
容揮犀賤如一坐輒箕踞爾我人號曰史不拘又曰史我呂文靖

公嘗邀之至怒閹者不開門批之閹者曰此相公宅雖侍
臣亦就客次延壽曰彼來者皆有求於相公我無求相公
自欲見我耳不開門我竟還矣閹者白公開門迎之延壽
挾術以遊無心於趨舍故能自重如此廣業案許史兩術
士耳惟中無所求則富貴權勢舉不足以動之其自稱曰
我即儒者不臣不仕之意也又安往而不自得乎抑爾汝
忘形本施於朋儕故附見於此若鷄肋編引金樓子言荆
閭有人名我地大人向父稱我向子恒稱名此則同一稱
我而乖謬已甚矣

以上友

金

張潛字仲升幼慕荆軻聶政為人年三十折節讀書人高其行目曰張古人里有兄弟分財者弟曰如此獨不畏張先生知耶遂如初天興間避兵少室不食死妾孫投澗死

史金

元

趙復字仁甫德安人元伐宋德安民數十萬俘戮無遺姚樞強載以北楊惟中建太極書院請復講授其中著傳道師友等圖許衡郝經得其書尊信之北方知有程朱之學自復始復家江漢之上以江漢自號學者稱之曰江漢先生

元史後同者不注

張須孟字達善其先蜀人僑寓江左受業金華王柏至元中行臺中丞吳曼慶延致江寧學宮遠近尊為碩師不敢字呼而稱曰導江先生

許衡字仲平一號魯齋學問文藝為世所尊稱為夫子人目

為許先生

苒正子山房隨筆

金履祥字吉父蘭谿人幼以孝行著師事同郡王柏從登何基之門著通鑑前編大學章句疏義論孟集注考證以居仁山下學者稱仁山先生又陳櫟字壽翁人以所居堂稱之曰定宇先生胡一桂字庭芳人因其自號稱雲峯先生餘可類推

許謙字盈之金華人受業金履祥有經史叢說延祐初居東陽入華山學徒千人自號白雲山人世稱白雲先生

蕭艸字惟斗奉元人博極羣書天文地理律歷算數靡不研究侯均謂元有天下百年惟蕭惟斗為識字人及門甚衆大德間國子祭酒同恕字寬甫亦奉元人家世業儒同居二百口無間言學本程朱拜集賢學士以老疾辭蕭艸每入城必主恕家士論稱曰蕭同恕自京還家居十三年縉紳望之如景星麟鳳鄉里稱為先生而不名

韓性字惟善紹興人博綜羣籍於儒先性理之學尤深每出負者息肩行者避道巷夫街叟至童稚廝役咸稱之曰韓

先生韓先生云

吳澄字幼清撫州崇仁人通經傳用力聖賢之學英宗時翰林學士泰定元年為經筵講官移疾歸澄所至士大夫皆迎請執業四方之士來學山中者不下數百人所居草屋數間程鉅夫題曰草廬故學者稱之為草廬先生

明

薛瑄字德溫河津人究心洛閩淵源永樂進士正統初為山東提學僉事揭白鹿洞學規延諸生親為講授皆呼為薛夫子王振以同鄉名為大理少卿三楊欲瑄往見振不可振銜之文致其罪論死及行刑振蒼頭忽泣於慶可問故

曰聞今日薛夫子將殺也振大感動免之英宗時禮部侍

郎謚文清

明史

陳獻章字公甫祖居都會後徙居白沙村村在廣東新會縣北二十里天下人重先生之道不敢斥其名字特稱之曰

白沙先生

張翊作行狀見白沙子全傳

章翊字德懋蘭溪人成化進士授編修憲宗朝以疎諫內廷張燈杖謫南京大理評事考滿年四十一力求致仕以講學為事四方學士大夫高其風稱楓山先生正德間起為禮部侍郎不就謚文懿

明史後同者不注

莊景字孔暘江浦人成化進士授檢討與章懋同諫謫南京

行人司副丁憂遂不出居定山二十年學者稱定山先生
大學士邱濬素惡之宏治七年詔起用大學士徐溥謂郎
中邵寶曰定山故翰林復之濬聞之曰我不識所謂定山
也乃復為南京行人司副天啓追謚文節

萬吉字克修為諸生居學中三十餘年執古自信因以古名
其齋諸儒生無背面必曰古齋先生而不敢字之後為桐

廬訓導

唐順之
作傳

王守仁字伯安餘姚人生時祖母岑夢神人自雲中送兒下
因名雲五歲不能言異人撫之改名守仁乃言討畚賊擒
叛藩嘉靖初積功拜南京兵部尚書封新建伯謚文成嘗

游九華歸菴室陽明洞中為教以致知良知為主學者翕然宗之世稱陽明學弟子盈天下

史皆稱曰陽明先生時

紹興有三尚書韓公邦問王公鑑之及先生也韓公與先

生父海日翁

名華字德輝南吏部尚書

同輩先生事之甚謹會冬至皆

赴公所稱賀先生以勲臣貂蟬朝服乘馬而趨俄從人報

韓尚書在後先生亟下馬執笏立道左韓至不下第拱手

曰伯安行矣予先往先生俟其過乃上馬韓公以前輩自

居先生不以伯爵自重古道兩足微云

朕恭簡集

顧憲成字叔時無錫人萬曆進士官員外郎會有詔三王並

封疏諫而寢既以京察罷憲成幼即有志聖賢暨削籍歸

力闡王氏學邑故有東林書院宋楊時講學處也憲成與
弟兄成脩之偕同志高攀龍錢一本薛敷教史孟麟于孔
兼輩講學其中學者稱涇陽先生慕風來附者學舍至不
能容由是東林名大著而忌者亦多魏忠賢亂政其黨仇
嫉正人輒以東林為口實焉崇正初贈吏部侍郎謚端文
錢一本字國瑞武進人萬曆進士以論國本奪官與顧分主
講席學者稱啟新先生

附徐穆字聖和吉水人為翰林侍讀生朝設席諸吉士會飲
凡同年會皆序齒在座主家則門生遜一席聖和嘗考易
房時徐子容穆伯潛皆執門生禮聖和以次行酒大聲曰

徐穆二生坐此忘其名之自呼也為之一笑

豫章漫抄

以上師

案自宋以來諸稱先生者其人皆實有德可尊有道可師故羣奉以尊稱而史亦書之以為重非苟為諛美已也前明中葉以後士習漸靡互相標榜稱所為多不師古嘗見張文嘉重訂齊家寶要載沈鯉文雅社約中一則極得因錄于此其言曰稱呼止用本色如古人工宰相書則止稱相公閣下上翰林書稱內翰執事蓋不欲竭其所無也然猶云異代事今吾鄉徐正人先生家尚存天順年間翰林曾公榮贈言一軸其標題直稱贈鴻臚

卿徐君永達之任湖廣廉憲序其中云永達勉乎哉者復不一永達者徐公名也考二公非有師弟之分特樸直若此而吾家亦存許都諫復禮與先大父建寧公手書亦止稱舊德沈太守尊師執事許公蓋先大父受業門生也此正德末年事夫稱名雖未必合中道若今俗一概稱台柱稱翰撰則媚人所無矣今擬有官者稱官如太守如相公內翰例其鄉俗往來則徑寓字號及某姓某親行幾伯叔兄弟或某老先生俱不過六七字不必有別稱又云字以尊名故古惟稱字子思不常稱其祖字曰仲尼乎吾鄉嘉靖年間尚止稱字無稱別號者

今僕隸下賤莫不有號矣士大夫不敢稱全號而加稱
翁老或少年而輒稱翁稱老夫父母在恒言不稱老少
者稱老老者何稱亦嫌於不祥矣今約除尊長親屬各
自有應得稱呼外其平交止稱字稱號尊輩稱老先生
長者稱某兄某文

雍泰字世隆陝西咸寧人仕至都憲巡撫宣府性廉厲不可
犯既貴便道歸家訪同窓舊友王生時生已棄士為農遇
諸途謂曰雍泰乃念貧賤之交乎倘不棄約期訪汝韋曲
泰敬諾而歸至期冠帶以侯生布衣携雞酒至據正席而
坐泰以兄事之

友齋叢說
擴雙槐歲抄

附金志剛字大節海鹽人洪武中拜知府有口辨友人費顯

道因食笋戲之曰貓頭笋今已大節矣志剛應聲曰狗尾

粟未顯是稻耶其捷類如此

胡震字海
鹽縣人

莊伯和積澳名醫好詼諧一日李無易名庸一遣家僮持簡

詣之家僮誤舉伯和姓名伯和給之曰若翁欲借藥磨耳

汝當負去且書片紙復曰來人面稱名姓罰馱藥磨兩遭

無易得之大笑即令負還前輩善謔風味如此

水東
日記

以上友